



Na osnovu poglavlja III tačka 2.11. Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", broj 51/25), te člana 2. Odluke Općinskog načelnika o imenovanju Operativnog tima za primjenu Plana interventnih mjera broj: 05/2-19-3040/25 od 05.01.2026. godine, Općina Ilijaš izradila je

PROTOKOL O NAČINU OSTVARIVANJA SARADNJE UNUTAR OPĆINE ILIJAŠ I SA OSTALIM SUBJEKTIMA PRIMJENE PLANA INTERVENTNIH MJERA USLJED PREKOMJERNE ZAGAĐENOSTI ZRAKA U KANTONU SARAJEVO

Član 1. (Opšte odredbe)

Plan interventnih mjera u slučajevima prekomjerne zagađenosti zraka u Kantonu Sarajevo (u daljem tekstu: Plan) primjenjuje se za moguće posebne situacije u kojima su prekoračeni pragovi UPOZORENJA i pragovi UZBUNE, čime mogu biti ugroženi zdravlje ljudi i okoliš. Plan se primjenjuje za područje Općine Ilijaš ispod 700 m.n.v. i njime su predviđene vrste rizika i opasnosti, postupak i mjere za uklanjanje opasnosti, subjekti zaduženi za primjenu mjera i odgovornost u vezi sa primjenom Plana.

Član 2. (Cilj Protokola)

Protokolom se predviđaju odgovorna lica unutar Općine Ilijaš na primjeni mjera i aktivnosti iz Plana, njihova zaduženja, način komuniciranja odgovornih lica unutar Organa i način komunikacije sa ostalim subjektima primjene Plana, a u cilju prevencije situacija zagađenosti zraka u periodu od 15.10. tekuće do 15.04. naredne godine.

Član 3. (Operativni tim)

Odlukom Općinskog načelnika broj: 05/2-19-3040/25 od 05.01.2026. godine formiran je Operativni tim u sljedećem sastavu:

1. Amar Dovadžija- Općinski načelnik, rukovodilac tima
2. Muamer Mešetović, Pomoćnik načelnika u Službi za prostorno uređenje i zaštitu okoliša, član tima
3. Mersa Zeković- Šef Odsjeka za prostorno planiranje i zaštitu okoliša u Službi za prostorno uređenje i zaštitu okoliša, član tima
4. Belma Avdić-Huseinović-Stručni saradnik za zaštitu okoliša u Službi za prostorno uređenje i zaštitu okoliša, član tima zadužen za organizaciju rada tima
5. Sadik Alić-Komunalni inspektor u Službi za saobraćaj, stambeno-komunalne poslove i građenje, član tima
6. Selma Alić, urbanističko-građevinski inspektor u Službi za saobraćaj, stambeno-komunalne poslove i građenje, član tima
7. Jasmin Šuvalija-Stručni savjetnik za zaštitu od požara i vatrogastvo u Službi civilne zaštite, član tima
8. Nermina Lemezhan, Stručni saradnik za informisanje u Službi Općinskog vijeća i općinskog Načelnika, član tima.

(1) Operativni tim je dužan prema definisanim nadležnostima iz Protokola, preventivno djelovati, a po proglašenju epizoda UPOZORENJE/UZBUNA odmah postupiti u

skladu sa Planom i Protokolom.

(2) Vodi evidenciju o operatorima emisija (postojećim i novim) koji koriste čvrsta i tečna goriva (postrojenja za sagorjevanje i tehnološka postrojenja), a koju najdalje do 31.12. tekuće godine dostavlja Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo u cilju ažuriranja Liste operatora emisija.

(3) Organizuje primjenu mjera iz Plana i van radnog vremena, tokom vikenda i praznika.

(4) Obezbeđuje sredstva u budžetu potrebna za funkcionisanje Operativnog tima, kao i druge aktivnosti utvrđene Planom, koje provodi putem općinskih komunalnih preduzeća.

(5) O poduzetim mjerama dostavlja Izvještaj o svim poduzetim aktivnostima osobi zaduženoj za organizaciju tima koja će komunicirati sa članovima tima, o istome voditi ažurnu evidenciju i sačinjavati izvještaje o izvršenim poslovima.

Član 4.

(Odgovorna osoba)

Na osnovu Odluke Općinskog načelnika broj: 05/2-19-3041/25 od 05.01.2026. godine, kao odgovorna osoba za kontinuirani kontakt sa Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo) radi realizacije i praćenja implementacije Plana imenovana je Belma Avdić-Huseinović, stručni saradnik za zaštitu okoliša u Službi za prostorno uređenje i zaštitu okoliša.

Član 5.

(Zadaci odgovorne osobe)

Odgovorna osoba iz člana 4. ove Odluke će:

- kontinuirano primati obavještenja o proglašenju/ukidanju epizoda i ista prosljeđivati subjektima primjene Plana i stručnom saradniku za informisanje Općine, što podrazumjeva po potrebi rad i tokom vikenda i praznika;
- prikupljati informacije od Operativnog tima, pravnih i fizičkih lica, privrednih subjekata i operatora emisija (postrojenja za sagorjevanje i tehnološka postrojenja), proizvođača toplotne energije, upravnika zajedničkih dijelova objekata kolektivnog stanovanja i ostalih subjekata primjene Plana, ažurirati podatke, sačinjavati izvještaje;
- Ministarstvu dostavljati izvještaje i informacije o poduzetim preventivnim i kontinuiranim mjerama, te mjerama tokom trajanja epizoda iz Plana;
- redovno ažurirati Listu i obavještavati operatere emisije sa Liste postrojenja za sagorjevanje i tehnoloških postrojenja na teritoriji općine Ilijaš o proglašenju/ukidanju epizoda iz Plana, putem e-mail-a, telefona ili na drugi način;
- ukoliko se ukaže potrebnim organizovati prezentacije, Javne tribine sa predstavnicima operatera sa liste zagađivača i svim zainteresovanim licima učiniti dostupnim informacione letke i sl.;
- obavijestiti Ministarstvo o eventualnim razlozima nemogućnosti provedbi određenih mjera iz Plana.

Član 6.

(Operateri emisija)

Pravna i fizička lica, privredni subjekti i operatori emisija (postrojenja za sagorjevanje i tehnološka postrojenja), proizvođači toplotne energije, upravnici zajedničkih dijelova objekata kolektivnog stanovanja sa područja Općine Ilijaš koji su obveznici primjene mjera iz Plana odgovorni su za:

(1) Primjenu Plana, kao i za preduzimanje svih potrebnih tehnički izvodljivih mjera kako bi smanjili emisije u zrak, uključujući redovno održavanje kotlovskih postrojenja, čišćenje dimovodnih instalacija, održavanje filterskih postrojenja, te sve druge mjere u cilju obezbeđenja ispravnog funkcionisanja pogona, postrojenja i procesa koji imaju emisije u zrak.

(2) Operatori emisije koji koriste čvrsta i tečna goriva (postrojenja za sagorjevanje i tehnološka postrojenja) dužni su dostaviti podatke (Naziv, vrsta postrojenja, adresa, mail, telefon, korišteno gorivo, alternativno gorivo, emisijski ispusti) Operativnom timu Općine Ilijaš u cilju formiranja/ažuriranja Liste operatora emisije, a koja će dalje biti dostavljena Ministarstvu.

(3) Dostavljaju Operativnom timu Općine Ilijaš informaciju o preduzetim preventivnim mjerama, te mjerama tokom trajanja epizoda iz Plana.

(4) Imenuju osobu za kontinuirani prijem obavještenja o proglašenju/ukidanju epizoda, koja će tokom trajanja epizoda svakodnevno davati informacije Općinskom operativnom timu o preduzetim mjerama.

(5) Odmah po imenovanju kontakt osobe podatke dostavljaju Operativnom timu.

Član 7.

(Održavanje cesta)

Obzirom da KJKP "Rad" d.o.o. ne vrši zimsko održavanje saobraćajnica na području Općine Ilijaš, općina će prilikom ugovaranja zimskog održavanja saobraćajnica predvidjeti blagovremeno ručno ili mašinsko uklanjanje posipne frakcije sa tretiranih površina, nakon primjene "mokrog postupka", a nakon prestanka epizoda UPOZORENJE i UZBUNA.

Član 8.

(Informisanje)

Na službenoj web stranici Općine kontinuirano treba biti dostupan Plan interventnih mjera, link Zavoda za javno zdravstvo Kantona Sarajevo u cilju davanja preporuka stanovništvu o postupanju tokom trajanja epizoda iz Plana i link Federalnog hidrometeorološkog Zavoda kojim je omogućeno konstantno praćenje prosječnih satnih vrijednosti zagađujućih materija u zraku. Obavijesti o proglašavanju/ ukidanju epizoda iz Plana, Stručni suradnik za informisanje će ažurno prosljeđivati Radio Ilijašu i drugim raspoloživim općinskim sredstvima javnog informisanja.

Član 9.

(Inspeksijski nadzor)

Nadležna općinska urbanističko-građevinska i komunalna inspekcija intenziviraće inspeksijski nadzor u okviru svojih nadležnosti i svakodnevno obilaziti teren i aktivna gradilišta. U slučaju utvrđenih nepravilnosti ovlaštene su da poduzmu sve zakonom propisane mjere, uključujući pokretanje prekršajnog postupka, odnosno izdavanje prekršajnog naloga. Shodno Planu u periodu od 15.10. tekuće do 15.04. naredne godine, a za protekli mjesec, najkasnije sedmog dana narednog mjeseca, dužni su dostavljati izvještaje o poduzetim aktivnostima Odgovornoj osobi iz člana 4. radi sačinjavanja izvještaja nadležnom Ministarstvu, a po potrebi i ostalim subjektima primjene Plana.

Član 10.

(Civilna zaštita)

Nadležna Općinska služba civilne zaštite će u saradnji sa Službom za saobraćaj, stambeno-komunalne poslove i građenje vršiti praćenje provođenja aktivnosti pranja i čišćenja saobraćajnica, kao i praćenje postupka uklanjanja posipne frakcije sa tretiranih površina nakon primjene "mokrog postupka". Navedena Općinska služba će tokom trajanja epizoda UPOZORENJE i UZBUNA zaprimati dojave građana o kršenju odredbi iz Plana, iste dostavljati Kantonalnoj upravi civilne zaštite i Odgovornoj osobi iz člana 4. ovog Protokola.

Član 11.

(Mjere)

Plan sadrži 7 mjera koje se trebaju kontinuirano implementirati od 15.10. tekuće do 15.04. naredne godine, definisano je 5 mjera koje je potrebno provesti prije početka grejne sezone i 20 mjera za periode UPOZORENJE i UZBUNA, podijeljene su kao:

- Mjere/aktivnosti i odgovornosti primjene u slučaju epizode UPOZORENJE u cilju smanjenja emisija,
- Mjere/aktivnosti i odgovornosti primjene u slučaju epizode UPOZORENJE u cilju zaštite zdravlja stanovništva,
- Mjere/aktivnosti i odgovornosti primjene u slučaju epizode UZBUNA u cilju smanjenja emisije.

Tabela koja slijedi sadrži sve podatke o kontinuiranim mjerama, preventivnim mjerama i mjerama u slučaju epizoda UPOZORENJE i UZBUNA, u nadležnosti općine Ilijaš.

Mjera/aktivnost	Vrsta mjere	Nosilac mjere/aktivnosti	Praćenje provođenja mjere/aktivnosti	Uslovi za provođenje mjere/aktivnosti
Obavezno pranje i čišćenje saobraćajnica (u zavisnosti od vremenskih uslova) u cilju sprečavanja podizanja čvrstih čestica u zrak, u skladu sa Operativnim planom iz Poglavlja III Plana tačka 2.16. alineja 2.	Kontinuirane mjere u periodu od 15.10. tekuće do 15.04. naredne godine	KJKP "Rad" d.o.o. Sarajevo i ostala komunalna preduzeća	Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo Općina (Komunalni inspektor)	Finansijska sredstva obezbeđuje općina
Vršiti kontrolu paljenja vatre i spaljivanja otpada na otvorenom	Kontinuirane mjere u periodu od 15.10. tekuće do 15.04. naredne godine	Općina (općinska komunalna inspekcija)	Služba za saobraćaj, stambeno-komunalne poslove i građenje Sadik Alić-Komunalni inspektor	Postoje uslovi
Obezbijediti blagovremeno uklanjanje posipne frakcije sa tretiranih površina nakon provođenja "mokrog postupka" prilikom ugovaranja zimskog održavanja saobraćajnica Općine	U slučaju epizode UPOZORENJE i UZBUNA	Pravna lica koja su tehnički osposobljena da vrše poslove održavanja cesta u zimskom periodu, što podrazumjeva posjedovanje opreme za primjenu "mokrog postupka" sa otopinom kalcij hlorida ili kalcij acetata u cilju smanjenja čestica prašine PM10 u zrak	Služba za saobraćaj, stambeno-komunalne poslove i građenje Sadik Alić-Komunalni inspektor Služba civilne zaštite Jasmin Šuvalija-Stručni suradnik za zaštitu od požara i vatrogastvo	Finansijska sredstva obezbeđuje općina
Zabrana izvođenja građevinskih radova na otvorenom prostoru, koji proizvode emisiju prašine u zrak	U slučaju epizode UPOZORENJE/ UZBUNA	Pravna i fizička lica	Služba za saobraćaj, stambeno-komunalne poslove aktivnosti Selma Alić-Urbanističko građevinski inspektor	Postoje uslovi
Obavještanje stanovnika o proglašavanju/ ukidanju epizoda putem Općinske web stranice, radio ILIJAŠ-a i ostalih javnih portala	U slučaju epizode UPOZORENJE i UZBUNA	Stanovništvo, pravna i fizička lica	Služba za prostorno planiranje i zaštitu okoliša Belma Avdić-Huseinović-Stručni suradnik za zaštitu okoliša Služba općinskog vijeća i općinskog načelnika Nemina Lemezan-Stručni suradnik za informisanje Radio Ilijaš	Postoje uslovi
Obavještanje operatera emisije sa Liste postrojenja za sagorijevanje i	U slučaju epizode UPOZORENJE i UZBUNA	Pravna i fizička lica	Služba za prostorno planiranje i zaštitu okoliša	Postoje uslovi

tehnoloških postrojenja sa područja općine Ilijaš			Belma Avdić-Huseinović- Stručni suradnik za zaštitu okoliša	
Distribucija edukacionog materijala predstavnicima operatera sa liste pravnih i fizičkih lica na koja se odnosi Plan	U slučaju epizode UPOZORENJE i UZBUNA	Pravna i fizička lica	Služba za prostorno planiranje i zaštitu okoliša Mersa Zeković-Šef Odsjeka za prostorno planiranje i zaštitu okoliša Belma Avdić-Huseinović- Stručni suradnik za zaštitu okoliša	Postoje uslovi
Zaprima dojave građana o kršenju odredbi iz plana, a iste dostavlja Kantonalnoj upravi civilne zaštite i odgovornom licu iz člana 4. ovog Protokola	U slučaju epizode UZBUNA i UPOZORENJE	Stanovništvo, pravna i fizička lica	Služba civilne zaštite Jasmin Šuvalija-Stručni suradnik za zaštitu od požara i vatrogastvo Služba za prostorno uređenje i zaštitu okoliša Belma Avdić-Huseinović- Stručni suradnik za zaštitu okoliša	Postoje uslovi

Član 12.
(Potrebna sredstva)

Općina će obezbijediti sredstva potrebna za provođenje svih aktivnosti utvrđenih ovim Planom.

Član 13.
(Stupanje na snagu)

(1) Stupanjem na snagu ovog Protokola, prestaje da važi Protokol o načinu ostvarivanja saradnje unutar Općine Ilijaš i sa ostalim subjektima primjene Plana interventnih mjera usljed prekomjerne zagađenosti zraka u Kantonu Sarajevo broj: 05/2-19-2980/23 od 14.12.2023. godine i 01/2-19-2732/2024-2 od 20.11.2024. godine.

(2) Ovaj Protokol stupa na snagu danom potpisivanja.

Pripremio: Belma Avdić-Huseinović, stručni suradnik za zaštitu okoliša

Mersa Zeković dipl.ing.gr.arh

Kontrolisao: Muamer Mešetović, dipl. prav.

Broj: 05/2-19-3039/25
Ilijaš, 05.01.2026. godine



OPĆINSKI NAČELNIK

Amar Dovadžija

Ul. 126. ilijaške brigade br. 6, 71380 Ilijaš
Tel. ++387 33 580-620, 580-664, fax. 580-670,
e-mail: prostorno@ilijas.ba

ISO 9001
BUREAU VERITAS
Certification



certifikat: HR008740